

Te taata 'toa, e ere te Tavana e te haava, o tei hanaaro i te hoe hohoa o tei enei *vea*, aufau mai ia e 3 farane no na avae etoru.

Faaau mai ia Tepito te nei parau i Papeete.

TE VEA NO TAHITI,

Ei haaparare raa i te parau rii api e faufaa hia'i to te mau fenua i roto i te Hau Tamaru; e neia i te mau mahana maha loa.

O te feia hoo taao, e te mau taata e haapao i te tauu raa taao, e tia ia ia nenei atoa hia ta ratou mau parau faaite i roto i renei *Vea*, ia aufau mai ratou 1 farane no te reni hoe.

Faaau mai ia Tepito te nei parau.

PAEAU PARAU NO TE HAU.

HAAVA RAA A TE MAU TOOHTU.

E te Tavana, te Auvaha o te Emepera.

IA ORA NA OE.

Te faaite atu nei matou ia oe i te ohipa i rave hia e matou i teienei mahana 23 no Me 1853. Te parau tufaa maa i na mataeina i te Tava e Tuvira e hâ i uta e ha i tai e tapoi te manu i Niuba. Ua maro teienei mau taata o Outuroa o Tefaahira vahine ma tahi pae, te parau nei o Outuroa e, e piti tufaa maa, teienei tau mataeinaa o te Tava e o Tuvira, te hâ i uta e te hâ i tai e maha mataeinaa hoe tufaa maa, tapoi te manu i Niuhaa hoe tufaa maa; teie ta Tefaahira parau, e toru tufaa maa. Ua ui matou i te mau ite no taua tufaa maa râ, o Taihaere, teie tana parau i faaite mai ia matou e piti roa tufaa maa i teienei tau mataeinaa e vau nei, te ite teie i faahoreo hia i roto i teienei ture XXXI, et te paeau n, e te irava 1; e na faaere matou ia Tefaahira i roto i tana parau, e na faatia matou i ta Outuroa parau, e piti atura tufaa maa ta matou ia i haapao, ua oti roa ia matou.

Te faaite atu nei matou ia oe i te ohipa ta matou i rave i teienei mahana 25 no Me 1853. Te fenua râ o Tausaatea o tei maro hia e Piapa raua o Faatiraha e tupuna to Piapa e e tupuna toa hoi to Faatiraha; ua haapao matou i to raua tau tupuna e ua hope i te faaroo hia e matou, te parau atoa a te mau ite; teie na ite i faahoreo hia i roto i te ture III, e te paeau n, e te irava 9. Teie ta ratou parau no Faatiraha mau teienei fenua, teie taua na ite ra o Veraura, Tahua, Uaihea, Homai, Moa. Ua haapao matou i te parau a te mau ite na roto i te ture XXVI, e te irava 1. E no Faatiraha mau taua fenua ra, no reira o Piapa i ere ai i taua fenua ra o Tausaatea, e ua hopoi atoa matou i te fenua o Faaitoa e te marae o Haruatera. Ua oti roa teienei ia matou ua ere roa o Piapa.

Te faaite atu nei matou ia oe i te ohipa ta matou i rave i teienei mahana 26 no Me 1853. Te fenua ra o Putiare o tei maro hia e Tiihauou raua o Faatiu, e tupuna to Tiihanou e tupuna atoa to Faatiu; ua haapao matou i to raua tau tupuna ua ui te peretiteni i te ite no ta raua fenua o Raveita vahine ua faahoreo hia, teie tana parau na Faatiu taua fenua râ; ua ite papu toni mata i te taata fenua i te faaite raa i te otia tahi pae e tahi pae e te tanu raa i te ava i nia iho i taua fenua ra, o Faidau vahine hoe â ta raua huru parau, o Veraura teie tana parau na Tiihanou o

tana metua tona ite o tei parau mai iana â, na Tiihauou taua fenua ra o Putiare; o Maihea, teie tana parau na Tiihauou, aore matou i tanu i te ofai i taua fenua ra, no reira vau i ite ai e, na Tiihauou. Te mau ite teie i haapao hia e matou i te ture XXXI, i te paeau n, e te irava 9, ua haapao atoa matou i te ture XXVI, e te irava 2. Ua tapu hia e matou taua fenua ra, te tahi pae na Tiihauou, tahi pae na Faatiu, e to raua marae ua tapu atoa hia na ropu tahi pae, na te tahi pae na tetahi. Ua oti roa teienei fenua ia matou.

Te faaite atu nei matou ia oe i te ohipa i rave hia e matou i teienei mahana 28 no Me 1853. Te fenua ra o Tepai o tei maro hia e Mania vahine raua o Oteote, e tupuna to raua tumu i taua fenua ra, ua haapao matou i to raua tupuna, ua ui te peretiteni i te ite i to raua fenua, o Tahaarai, teie tana parau, na Paru teienei fenua e tona taeae o Poa ei tamahine teienei vahine o Oteote; o Ote, toohitu teie tana parau i faaroo hia e matou e na Paru teienei fenua, teie tana tamahine o Oteote; o Vahia, teie tana parau o Paru tau i ite i ie faaea raa i nia iho i teienei fenua; te mau ite teie i faahoreo hia i roto i teienei ture XXXI, e te paeau n, e te irava 9. Ua haapao matou i ta ratou parau, ite atura matou e ua ere roa teienei vahine o Mania i teienei fenua. Ua hopoi matou no Oteote, ua oti roa ia matou.

Te faaite atu nei matou ia oe i te ohipa ta matou i rave i teienei mahana 30 no Me 1853. Te fenua ra o Haapaianoo e te marae o Mataitefeiau, o tei maro hia e Taituo raua o Temauritahito, e tupuna to raua tumu, o te arii hoi te hoe fatu o taua fenua ra, e parahi tau to te arii tumu i teienei fenua e maro hia nei, ua haapao matou i ta ratou tau parau e totonu atoa; ua ui te peretiteni i te mau ite no taua fenua ra o Maneu vahine, Piapa, Raveita vahine, te mau ite teie i faahoreo hia i teienei ture, ua faaroo matou i te parau a Raveita vahine, teie tana parau, o Tefaahira tau i ite i te parahi raa, o Piapa teie tana parau o Vauo tei faaea i nia iho i teienei fenua, mai te Etene mai a tou ite raa, o Maneu teie tana parau mai te Etene mai a tou ite raa i te arii i te faaea raa i nia iho i teienei fenua e tae roa mai nei i te pohe raa o teienei huiarii faaea ihora o Tefaahira e tae roa mai nei i teienei anotau. I te atu ra matou e ua ere teienei tau fatu maro i teienei fenua, ua haapao matou i te ture parahi tau, e ua hopoi matou no te arii, ite atura matou e o te arii mau te fatu i teienei fenua. Ua oti roa ia matou teienei mau

ohipa i roto i teienci fare toroa i Papeete nei.

Te mau Toohitu :

Papaihia : TAAMU, NUUTERE, TA-
RURU, HAEREOTAHU.

TAIRAPA, peretiteni.

MARE, auvaha ture.

VAHIA, papai parau.

*Te parau a te Arii vahine i te iriti raa i te Apoo
raa iriti raa ture.*

E homa, e te feia iriti ture!

Ma te faatia hia mai i te Auvaha o te Emepera
o te Farani, na haaputuphtu aenei au i te Apoo
raa iriti raa ture, mai tei titau hia mai e te ture.

E poupou rahi roa to'u i te hio raa ia outou i
te putuputu paatoa raa mai ionei, e te oaoa'loa
nei au i te faaita raa' tu ia outou e, te e vai maite
nei a te hau e te au rahi roa, i rotopu ia'u e te
auvaha o tonahanahana, te Emepera o to Farani.

Te hio atoa nei au ma te poupou rahi, e te
haere tuutuu ore maite nei a to tatou nei fenua
nehenehe i mua, na nia i te ea o te maramarama
mai te mahana piai a a tamaru hia'i tatou e te
rima puai o Farani.

E homa, e to Tahiti nei! ia aratai ia outou e
teloe rima paari ra, e oti ohie noa ia ia outou te
mau ohipa rarahi atoa. Ua itea papu hia hoi tei
reira. A faatia i hoi outou i te hinaaro o te Au-
vaha o te Emepera, e te reo o to outou iho mau
tavana, ua faatiti ahemo maite ia outou i te rave
raa i te mau ohipa rarahi. o tei maere hia e te
taata' toa, e o tei faariro ia Tahiti nei ei fenua
tuiroo i rotopu i to Oceania. Ia ite hoi au i to'u
nei mau taata i te maitai raa, ia ite au ia ratou i
te haere maité raa i mua na nia i te ea o te ma-
ramarama, e te ite i te mau peu maitatai, e ia ite
atoa hoi au ia ratou i te haaputu raa mai i te fau-
faa e roaa mai no roto i to tatou nei fenua rupe-
rupe, te rahi ra ia tou nei poupou, e aita' tu ou
e hinaaro i hau ae i te rahi.

I teienci ra, te tiaturi nei au i nia i to outou na
itoito, ia imi e ia iriti iho outou i te ture maita-
tai. Te haamata na hoi outou i ta outou na mau
ohipa, ia tapao anae hia taua mau ohipa ra i te
maramarama e te parau tia e maitai ai; ia haa-
pao anae hia ei faaitoito raa i te haapii raa, te
haamaramarama raa, e te haamaitai raa i te ta-
ta nei; e faahiti hua mai outou i te rahi atoa raa
o to outou maramarama, ia i anae hoi outou i te
manao e te hinaaro hoe. A rave ai ra outou i ta
outou nei mau ohipa, e i te mau anotau atoa hoi,
e horo tia ia outou i nia i te Auvaha o te Eme-
pero o to Farani, nana outou e haamaramarama,
e nana' toa hoi outou e aratai; te tiaturi papu
noa nei a hoi au i nia iana. I teienci ra, e apiti
maite tatou i to tatou puai nia tona. i te tauturu
papu raa' tu iana i te rave raa i te mau ohipa ra-
rahi e opua hia e ana nei. e o tei haapao hia no
te maitai, e no te maitai anae ra, o te fenua nei.

Parau na te Tavana, te Auvaha o te Emepera.

E homa e to mau iriti ture e,
No te mea ua riro ei mea tia na tona hanahana, te Emepera, i te
rahi maore noa ia'u i nia iho i te mau haapao raa o to outou nei

fenua, i tia'i ia'u i te iriti i teienci Apoo raa iriti raa ture. Te manao
nei au e e mea tia roa ia'u i te tuu atu i nua i to outou na aro, i te
mau ohipa a to'u nei hau i roto i teienci matahiti i pohe aenei. E
mata na ra vau i te tau no outou, e nou iho, e no ta tatou nei ohipa
hoe, i te aroha o te hau puai e te hamani maitai, o te tamaru mai i
teienci mau fenua i tona reva.

Te amui atoa nei Farani ia outou a muri nei i rotopu i tona mau
amari i here. Na roto i te puai o tana ra mau maubaa, te pa ruru
maite nei ia outou, ia ore ia haruapuu hia e to rapae. Na roto i te
maramarama e te itoito o tona faatere raa hau, te tinai maite nei i
te mau tamai rii e tupu haere i te tahi tavana e te tahi tavana, i te
tahi pupu taata e te tahi pupu taata, o tei haaviivii i to outou mau
fenua i te toto, e o te tapea noa mai a ia outou ei hau hoe, o te hau
i hau i te rahi i rotopu i te mau fenua Oceanie e parahi haere hia
te taata; te tamaru maite nei i te hau i rotopu ia outou, e i raro ae
te maru o taua hau ra, te aratai maite nei ia outou i nia i te aratia o
te mau peu maramarama, o tei faarahi roa i te ioa o te mau taata no
Europa i roto i teienci a'o. O te huru ia o te ohipa tei faaua hia mai
ia'u, e rave i rotopu ia outou nei.

Te tamaru maite nei au i te mau parau au maitatai i te mau fenua
e fatata mai nei. Te ite nei outou i te mau mahana toa nei i te mau
taata no taua mau fenua ra i te tapae raa mai i to outou nei fenua,
te nounou ra ratou i to outou nei maitai, e teienci hau hamani mai-
tai e tiaoro hia mai e ratou i to ratou ra mau ati, ei faaora ia ratou i
to ratou hape raa. O Teritaria, te arii vahine no Huahine, ua horo
mai oia i roto i to outou aroha hamani maitai te haapu raa, e no te
mea, ua poroi hia mai oia e te hinaaro o tona mau taata, ua reva
aenei oia mai te oto i tona parahi raa hau, e te pabu maitai, tei roaa
mai iana i roto i to outou nei fenua.

No te tahi mau peapea rii i aueue ai te fenua ra o Ana i te hopea
o teienci matahiti i oti aenei. Te mau taata no taua mau fenua Tu-
amotu ra, no to ratou a matau ore i te haamana raa o to tatou nei
hau, aita tura ratou i tei te mana o te mau ture tahiti nei. Teienci
mau ture, tei paruru i te taata toa, o to outou mau haava, mau
mutoi, mau faachau, e te mau taata i hinaaro noa no to ratou iho
hinaaro, ia'u i tona reira ia haamana hia taua mau ture ra. E e o-
re e tia ia'u ia faaita atu ia outou i to ratou aminamina i te haere raa
i taua ohipa ra, no te mea, ua ite noa outou; ua ite paatoa ratou e
e au taua mau ture tahiti ra, ia haamaua hua hia i te mau fenua
Tuamotu atoa, e oia toa hoi te nunaa tabiti, tei parahi na i taua
mau fenua parare haere ra. Tei rotopu atoa mai nei to ratou mau
iriti ture ia outou i teienci, te faatia toa raa i te mau ture mai ia ou-
tou na, e ei to outou nei hoi ratou haapii ai i te ravea no te haama-
na raa i teienci mau ture moa, tei riro ei teoteo raa no outou.

E mea faahiahia rahi te auraro raa mai o te mau matacinaa toa no
Tahiti e Moorea i te mau ture i teienci, te popou ra ratou i te mau
ohipa i faaua hia mai e taua mau ture ra, e hape mau hia e, e mea
au rahi roa na te mau taata o te fenua nei. Ia tia i te Atua i te faa-
tupu mai i te binaaro ohipa ia ratou! No te mea tei te faapu raa
fenua, te maitai o te hahae raa, e te haere pinepine raa i te mau
haapii raa, te tahi ravea rahi no te rupepupe maitai o Tahiti nei. Ua
ite hua te mau tavana e te hui-raatira i te reira, e ua rave hua i tei-
enci ohipa; aita' tu maite hia, e ua tauu haere hia te mau aua hau.
I roto i te mau vahii huru pa ra, e te mau vahii huru nainai roa ra,
ua vaere faahou hia ia; ua rave hia hoi te vetahi mau purumu api,
e ua tatai hia hoi te mau purumu tahito; aea i te mau haapii raa
ra, hoe ia tauatini e pae hanere tamarii te haere mai i te mau ha-
apii raa i teienci, e te haere maite nei a hoi i te rahi raa i te mau ma-
hana toa; ua ite hoi outou, e i te tahi mau avae i mairi aenei, ua
huru faarua roa hia ia. Te tuu atu nei, e homa, te hau, i mua ia ou-
ton na i te vetahi mau parau ture, tei haapao hia ei taua mau maite
raa i taua mau maitai i roaa ra. E mea tia roa ia outou ia imi i te ra-
vea, e maitai ai te mau orometua haapii tamarii; mai tahito mai a
ua riro te haapii raa i te ui api i te mau anotau atoa, ei ohipa haapao
pabu hia e te iriti ture i te mau fenua maramarama toa.

Te ite pabu nei au, e i te mau ravea toa, o tei haapao hia no te
maitai e te haamaitai raa o te fenua nei, ua tura etaela maitai hia
ia i roto i te manao maramarama o to outou arii vahine, i roto i te
au maitai raa mai o te mau tavana, e i roto i te aroha hoe o te mau
taata toa. Te vai nei te hoe mau toea hopea no te huru etene raa, i
roto i ta faatia raa o te mau upaupa; ua faaita te ture i te ravea no
te faaore raa mai te faufaa ore, no te mea ua rahi te puai raa o te
mau peu tahito nei, i te ture. I te faaita noa raa ia vau i tou nei hi-
naaro, ore roa tura te mau tapao rii atoa no taua peu ra.

E i teienci, e homa, te au nei ia faaita atu vau ia outou, te tapao
no te ohipa tautou maitai hia, i huru e roa'i te huru o to outou nei
fenua. Ahia na i Papeete nei, to outou ia oire, o te oire rahi ia o te
mau fenua Totaiete atoa nei. Eaha te huru o te outu i Fareute i na
avae hoe ahuru i mairi aenei? E one tahatai anae ia e te toa, tei haa-
moe roa hia e te mau ohipa maitatai, mai te mau pehu faufaa ore e
e te rimu e haapainu haere hia e te are i te mau mahana toa. I tei-
enci ra e asena ta outou, aore e faaau raa i te Oceania taatoa nei, e
aore atoa hoi e faaau i te tufaa apatoa i Amerifa. E e au hoi ia rahi
to outou teoteo i te reira, no te mea, na outou iho i faatia na roto i
te ravea maere rahi, te mau fare toa outou, e maitai ai te tamaru
maite raa, te mau ohipa i roto i teienci ava.

Ua haere hua vau i te mau mahana toa mai te popou rahi, e hio i
te rave raa i taua mau ohipa ra, no te mea i reira to tatou ite raa ia
tatou iho, e to tatou farerei raa i roto i te manao hoe e te hinaaro
hoe, i te faateitei raa i te roo maitai o Tahiti. Aita roa tu i moe ia'u
te moemoe raa o to tatou nei ava, i te mau avae matamua o tou nei
parahi raa mai i'enei.

Te ite nei hoi tatou i teienci i te mau mahana toa i te tapae raa
mai te mau pahi api, te vetahi, i haere mai i hoo haere i te maa, te
vetahi, i haere mai i tatai faabou. Inaba te huru o taua ohipa i Fa-
reute! Te parau onoono atu nei au ia outou, e rave to te fenua
taatoa nei i te ohipa faapu fenua, ia rahi te roaa raa mai o te maa
e au no te mau pahi e tapae mai to tatou nei.

O tahatai taatoa nei, mai te tahitiia mai haere roa'i e te tahi o-

639

ia, tei api noa i te auaua; e te uhanha tai, na fatata ia i te ati roa i e hoe uahu, o te paruru mai i tahata nei ia ore ia roa mai te miti.

Te maitai roa nei te mau fare atoa o te hau, aore roa e ino raa; e riro outou i te ite haere iho i te mau vahi atoa, te hoe hau tei opua maile i te tamau i te mau mea tia atoa.

Te nehenche roa nei hoi te mau haapao raa o te outou nei mau aroa, e te mau vahi atoa e haere hia ra; te mau ino atoa, e te mau peu haama, tei tupu haere i te fenua nei i mutaiho ra, ua ore roa ia i teienei; te mau peu maitai nei e te nehenche, e au ia faaite noa hia i te mau vahi atoa. Ua rahi te tiama raa o te taata toa nei, o te mau peu faufau atoa nae ra, tei faaore hia.

Ua faatia hia aenei te hoe hamani raa araea, i tiai hoi i te monu atu i te raau, e te tapoi no niaiho i te mau fare tahito ra, i te mau peu huru paari ae. E oire api mau teie e hamani hia nei, o te hau atu te maoro o te vai raa i te oire tahito nei.

Ua oti hoi te purumu i Fautaua, ua riro i teienei ei ori raa au rahi hia e tera tere, tei hinaaro i te mataitai i te mau vahi nehenche i roto i te hoe faa, tei hau i te faahia hia i teienei a'o; e riro ia ei vahi haere pinepine roa hia, ia ruperupe taua mau faa ra, o tei i teienei i te uru raau faufaa ore, ia rave hia e te rima o te taata.

No te mea, e homa, te tiai nei tou manao, e e riro te outou nei mau fenua faaapu ore hia e te faufaa ore, ei taao faufaa rahi roa i roto i te rima o ta outou na mau tamarii, te hau roa i te itoitoe i te faanehehe raa i te a'o api i Oceanie. Oia mau, e vahi rahi ta Tahiti i roto i te tere haere raa o te taata i teienei Moana Palitifa. Aore te Atua i faariro noa i Tahiti nei ei fenua hau i te rahi, hau i te nehenche, hau i te ruperupe, mai te repo maitai te hotu hia e te mau maa atoa o te fenua nei, mai te arii mau raa o te mau fenua toa i Oceanie nei; aore te Atua i faai noa iana i te feia itoitoe, maru e te haapao, ia vai noa mai te hoe oti faufaa ore i roto i teienei Moana rahi. Ia riro mau a Tahiti nei ei haapu raa mau no te mau peu nehenche toa i ropu i te mau fenua i haati haere i te mau fenua To-taiete nei. Tei ia outou ra, e homa, te faanehehe i teienei hopea maitai, ci ta outou mau tamarii te faaoti maitai roa.

Ia tae atu vau i rotopu mau i Farani ra, e ia tae roa ae ia'n ra te vetahi vevo rii, o te hopea maitai e te ui taata i muri ia outou nei, e arue roa ia vau mai tau aau atoa, e e rahi roa ia tou oaoa o vau i haamata i te aratia no teienei mau ohipa rarahi.

Ua faaore aenei te Tavana e te utua a te taata tahiti ra a Tuihaa, o tei tiavaru hia i na avae i, mairi aenei, o te utua hoi ia i tuuhia i niaiho iana, i te haava raa hia ra.

Ua faaue aenei te Tavana, ia tuha hia' tu na te mau tavana o te Tuamotu e tia i Fareute, na farane hoe hanere, ei hoo i te maa, e te mau mea 'toa hoi e hinaaro hia e ratou, a tiai ai i te iriti raa hia o te Apoo raa iriti raa ture.

Te iaaroo hia nei ma te poupu rahi, e e itoitoe rahi roa to te taata i roto i te mataeinaa ra o Punaauia; no to ratou hoi hinaaro e ia taoa hia, e ia maitai ratou, te faaitoitoe noa ra ratou i te eu raa i te arahu, o te hoo hia e ratou i Papeete, no te moni rahi. I teienei ra hoi, te ao hia' tu nei tabi paeau mataeinaa e, e na reire f toa te faaitoitoe, i te faaapu raa i to ratou mau fenua, e i

te faaata raa mai i Papeete nei, i te mau maa 'toa e hotu hia mai e te fenua nei, ia faaapu maitai hia ra.

Ua horoa aenei te tavana i tehoe hohoa no Taamu i taua toohitu ra. E tapao tei reira no to-na mauruuru i te itoitoe e te maramarama o taua toohitu ra, i te rave raa i taua 'toa ra mau ohipa; te ohipa haava raa, e tana' toa hoi ohipa i rave, a peretiteni ai oia i te komite papai raa fenua. I teienei ra, te faaite papu atu nei te tavana ia Taamu ra, i te rahi atoa o tona mauruuru i te hio raa i tona itoitoe e te puai, rahi noa' i a hoi tona matahiti.

Ua faaite hia' tu hoi i mutaaenei, e ua faaore te tavana i te utua a vetahi tau taata no Ana mai, o tei faahoi hia i to ratou fenua na nia i tehoe pahia o te hau. I teienei ra, te opua nei te tavana e faaora atu a i vetahi, o te faahoi oioi hia i to ratou ra fenua.

Ua uta mai nei te mataeinaa ra o Faaa i na uhi e maha hanere, e ua pau roa i te hoo hia e te hoe pahia i reira ra, aita roa i maoro, pau roa aera.

Te mau pahia i tapae mai, mai te mahana 10 mai a no Tiunu.

Pahia auahi farani o *Phoque*, tomana de Bovis, mai Hitiaa mai.

Manua farani o la *Prudente*, tomana de Leyritz, mai Guayaquil mai.

Te mau pahia i reva.

Pahia auahi farani o *Phoque*, tomana de Bovis, ua reva i Huabine.

Manua tira piti o *Nuuhiva*, tomana Boulange.

Te e'e no te Tavana : BRIOT.